

شوکت و حیثیتی بورادن اعلا یدیه جکدر، قطعاً مایوس اولایکیز! عثمانلیق پایدردر وابدیاً یاشایه جقدر. « جواب علویسنی ویرمشدرد.

الواح انتباه

سرنویشده اسارت ایرامی. — جراند یومیه نك خاير مخصوصلری یازور: بو سنه اسلاملر پك چوق حزين بر بايرام کچيرديرلر. بر طرفدن استيلای اجانبك ویرديکی یأس وفتوره دیگر طرفدن مهادی تعرضات التحاق ایدنجیه اسلاملرک چهره لرنده بویله بياشتلی کونلرده کورولسی معتاد سرور ونشئدن اصلا اثر قالمامشدی. بتون جامعلر مهاجر عسکر وسائر ايله طولایغندن بايرام نمازینی ادا ایدمک یالکز ایکی جامع قالدینی جهته مفتی بلده نك جماعت اسلامییه یو جامعلره اداى صلاة عیده دعوت ضمننده غرتهلرله نشرایتدیکی فقره بو حزن بر قات دها آرندیردی. سواقلرده بايرام کونلرنده کوریلن غلبه لکدن اثر یوقدی. نه طوب آتیلدی، نه رسم قبول اولدی، خلاصه پك آجی بر بايرام کچيردک.

جامعلرک کلیسایه تحویل. — حورتاجی سلطان جامی ده کلیسایه تحویل ایدلمشدر. اسماعیل پاشا سن قترین، ایکی شرفه جامی سن میشل، سلطان مراد جامی سن داوید اسمارینی آلمش وکلیسایه تحویل اولتمشدر.

دولت ایکن جماعت اولور. — سلانیکده مفتی افندینک تشبثی اوزرینه بر جماعت اسلامییه هیئت تشکیل ایتشدرد. بو هیئت مفتی افندی، عثمان عادل، احمد قیابچی، بلدییه رئیس حاجی توفیق و خلوصی بکارله دیگر بعض ذواتدن ترکب ایلکده در. ایلک تشبث اولق اوزره مهاجرین اسلامییه معاونت ضمننده صرف مساعیه باشلامشدر.

عالم اسلامده تظاهرات

با کورده:

باکو رجال و علمای اسلامییه سی طرفدن موسقوف غرتهلرینک حرب حاضر طولایسیله اسلامیت علمینده قولاندقلری لسان عداوت و تحقیر قارشی آتیده کی اعتراضنامه قفقاسیا غرتهلری واسطه سیله نشر ایدلمشدر: « بالقان یاریم آطه سنده ایلک طوب باطلامه سیله تاریخ مبارزه بشریتده یکی بر صفحه خونین آچیلدی.

« بوقدر انسان تلفاتنه سببیت ویرمش اولان اشوعظیم بالقان یانغیننده، ملیت و جنسیت مربوطیتندن طولای، روس ملتی کندی همجنس اولان بالقان ملتارینه اظهار محبت و تمایل ایتمه مزاک ایده مزیدی. طبیعی بو محبت یالکز سوزلره منحصر قالمه یوب مادی و معنوی تظاهراتده موجبدر. فقط جای تأسفدرکه روس معارفندانک ایلک صفلرینی اشغال ایدن آدملرک میاننده بیاه اوله بودالار بولندی که کندی موازنه سز لکلی نتیجه سنده بر طرفه محبت ابراز ایتمه دیگر طرفه وحشیانه بر شدت وحدت کوسترمکدن عبارت بیلدیلر. « بخمز (روسقویه سلووو) واونک محررلرینه عأندر. (صلیب احمر) جمعیتنه وخته باقیجی قادیلره مراجعتله « بر بلغاز، بر یونان، بر صرب و بر قره طاغ یاره لیبی صاریله مش قانجه عثمانلی یاره لیلرینی صارمیک « ديه توصیه بولنان اشبو غرتنه نك نشریاتنه وجدانسزلق و وحشتدن باشقه براسم بولامیورز.

« خرسیتیانلرک جناب حقه ال قالدیر ویده بالقان دره لرینی مسلمان جنازه لريله طولایرمق، بالقان طاغلرینی مسلمان قانیله بویامق ایچون دعاده بولنلارینه خدا ناشناسلقدن باشقه بر صفت ویرمک قابلمی؟

« مدینته بر لکه، برشین اولان بوکی تمیلره، دعالره لسان صفوت و صمیمیت جواز ویررمی؟

بولنلرک هپسنی، بز روسیا مسلمانلری سکوتله قارشیلادق، تحمل ایتدک؛ قو، قانی قاجملر، قانه صوصامش اولانلرک وجداتی بویاسین! دیدک؛

محافظه صلح و مسالمت خصوصنه معطوف اولدینی، بوسره ده صلح صلاحك پك زیاده آرزو ایدلیدیکی، چونکه حرب حاضرک دوامی بتون آوروپایی آتشه ویره بیله جکینی سویلشدر.

سبیل الرشاد

عثمانلیر حربی کندیلری آچیدیلر. بالعکس حربدن توقی خصوصنده امکانك صوك نقطه سنه قدر چالیشدیلر. بو مشوم حربك پلانلری بالخاصه بولغارستان طرفندن سنه لردن، بلکه بدایت تأسسندن برو ترتیب اولونمقده، وقت مرهونی بلکه نمکده اولدینی عوام سیاسیونجه بیله معلوم بر حقیقتدر.

بولغارستانك شوو صوك سنه لرده بلکه دیکی برشی وارسه اوده متفقلریله اتحاد ایدرک وطنمزه بردن صالدرمق، بزى شاشیرتوب مقصدینی بویوک مقیاسده استحصال ایتک ایدی.

نهایت اونامامول املنه ده نائل اولدی. فقط سیر ادوار غره ی جنابلری بوقدر سودکاری صالح و مسالمتك محافظه سنه بر آی اول البته مقتدر ایدیلر. ایسته سیدیلر تک برسوزله حربی منع ایده بیلدیلر.

حرب اعلان اولونجه تایمس و دایلی نیوز کبی بریتانیا حکومت محتمشه سنك ترجان افکار و آمالی اولان غرتهلر استاتوقونك محفوظ بولوندیغندن، طرفین محاربلردن هیچ برینک بونی اخلاص ایده میه جکندن، ایدلمسینه قطعاً میدان ویرلمه جکندن بحث اولوندی. وقتا که طالع حرب بزه چهره عبوسنی کوسترمکه، درت متفق دشمنلریمز حدود لریمز چیکنیه رک وطنمزک یاره لی سینه سنی جزمه لريله ازمکه باشلادیلر؛ درحال لسان دیکشدی، استاتوقو و حتی تمامیت ملکیه مزه استهزالر صاورولدی.

عثمانلیره قاراندقلر، کره لر، ماتملر یاغدیران او مشوم کونلرده پك ساکت ولاقید کورینان بو بویوک دماغ سیاست نه اولیورکه شیمدی ده بردنبره برطوفان تلاش و هیجانه دوشیور؛ لسان رسمی ایله سفیرمزه صاحب و مسالمت امر ایدیور؟ «حرب حاضرک دوامی بوتون آوروپایی آتشه ویره بیله جک... ایش!! دیمک آوروپا صلح و مسالمتی شرفه بز او آتشه یانه، بز وطنمزی دونکی تابعلریمزه ترک ایدرک اتحار ایدم! بومی آرزو اولونیور؟ خایر، ذاتاً عثمانلیرک مغلوب اولمقلری و ناکاه یارالانان آرسالان کبی صیادلری اوزرینه قهارانه هجومه حاضر لاندینی ایچین اولمیدر، که بو قدر تهدید آمیز بر لسان آمریتله ولو انقراض و اضمحلال بهاسنه صلح و مسالمتك اشتراسی توصیه اولونیور.

بو ملکک ازلی بر صاحب کبریاسی واردر. باقالم اونک اراده قهر و جلالی بو آرزوی متحکمانه یی مروجمیدر؟ یوقسه...

« و هو القاهر فوق عباده،

اسلامک علویتی بوراده بوکسرمک. — یمن قوماندانی عزت پاشا حضرتلری انشای عودتده اسکیشمرده کندیسنی زیارته کان (حقیقت) غزنه سی محررینه یمن احوالی حقنده شایان ممنونیت معلومات ویردکن صکرا، سوز بالقانلره انتقال ایدنجیه محررک سؤالنه؛ عزت پاشا حضرتلری:

— های های! اسلامیتك علویتی بوراده بوکسرمک، عثمانلیغك

اوزرنده کی پرده خفا صیریلهرق عرض اندام ایتمیه باشلایور: ایران رجاندن اولوب مجلس ملیتک ایلک دوره انعقادنده مبعوث اولهرق بیوک برنفوذ کسب ایدن، صوکره مجلسک بومباردمانی متعاقب شاه مخلوعک دعوتیه اجابتله مقام صدارتی احراز ایلین، مشروطیتپرورانک احراز موفقیتی اوزرینه ایراندن تبعید اولنان سعدالدوله تکرار ایرانیه دونه ریک مقام صدارته نامزد اولیور. سعدالدوله نیک طرانه ورودینی خبر ویرن برانجی غزته سی ایراندن بروجه آتی بر تلغراف نشر ایدیور:

اوروپادن بورایه وارد اولان خبرلردن آکلاشلدینی وجهله شمدیکی حالده اوروپاده بولنان شاه سابق محمدعلی میرزانک صدر اعظمی سعدالدوله نیک ایرانیه عودتی بالمورال ملاقاتنده تحت قراره آلمش ایش. ایرانی اداره ایتک و آسایشی تأمین ایلک اوزره روس وانکیز دولتلرنجه سعدالدوله یکانه بر شخص اولهرق قبول ایدلشدر. طبعی شمدیکی ایران قایینه سی سعدالدوله نیک عودتی علینده ایدی. صدر اعظم صمصام السلطنه انجق بورا انکتره سفیرینک اصراریله مشار الیهی دعوت ایلدی. شمدی، که سعدالدوله طهرانه وارد اولشدر، صمصام السلطنه استعفا ایتکه قرار ویروب، یکی قایینه سی سعدالدوله تشکیل ایده جکدر. سعدالدوله کنديسک روس وانکیز طرفندن (تعیین) ایدلیدیکنی کیزله میور. زمام حکومتک سعدالدوله نیک یدینه کچمکه برحق تبدالته انتظار اولونیور. شایعته کوره روس وانکیز دولتلری ایران امور داخلیه سنه عائد اولوق اوزره یکی بر پروگرام حاضر لیورلر. سعدالدوله نیک نائب الملطنه تعیین ایدیله سنه دخی احتمال قوی وارد. «سعدالدوله روسیادن کچرکن کنديسک مخصوص برواغون تخصیص ایدلشدر. با کودن کچرکن ده» بیرزه ویا ویده موسقی «غزته سنک مخبریله وقوع بولان ملاقاتنده: (کنديسک تمامیه روس وانکیز قایینه لرینک امالی اوزرینه اجرای حکومت ایده جکنی)؛ ومخبرک: شاه مخلوعک ایرانیه عودتی احتمالک وارد اولوب اولدینی حقیقته کی سؤالنده: «اهالی ایستیه جک اولورسه طبعی شاهک ایرانیه کلیدیه جکنی» سویلشدر.

ژاپونیا:

ژاپونیا نیک سلجانی. — هر نه قدر جریده منک وظیفه سی عالم اسلامه عائد شتونی طویلامق ایسه ده بوتون شرقه عائد اولان وطولایسیله اسلام عالمه مربوطیت عظیمه سی بولنان وقایع مهمه یی قید ایتیه ده موافق بولیور. ایشته بوکی شئون شرقیه دن بریسی ده ژاپونیا نیک تسلیحاتنه عائد روسجه غزته لرده مصادف اولدیغمز حوادث در:

ژاپونیا غزته لری بوکونلرده باش وکیلی مارکیز (سای اوندری) به بحریه ناظری طرفندن ژاپونیا قوای بحریه سنی تزید ایتک ایچون بر لایحه قانونیه ویرلیدیکنی خبر ویریورلر. یکی لایحه قانونیه جه طلب ایدیلن تخصیصات ۴۰۰ میلیون ینه بالغ مهم بر یگون تشکیل ایتکده در، که آلتی سنه طرفنده مالیه نظارتندن تأدیه ایدیله سی مطلوبدر. فئطمالیه ناظری (یاماموتو) نک اعتراضه نظراً آلتی سنه مدتک اون سنه یه تبدیل ایدیله سی احتمالی ده وارد. اک چوق تخصیصات ۱۹۱۷، ۱۹۱۸ سنه لرینه عائد اولیور، که ۶۰ میلیون یندن عبارتدر.

یکی لایحه به کوره ژاپون قوای بحریه سی برقچ فوق العاده بیوک فیلو تشکیل ایده جک. بونک نه کی بر مقصده معطوف اولدینی ده دولته برسر تشکیل ایتکده در. بالکن معلوم اولان بوراسیدرکه خصوصی (دریدناوطلر فیلوسی) وجوده کنتریله جکدرکه هیئت مجموعه سی: هر بری (۳۰۰،۰۰۰) اوتوزیک طون آغراغنده سکز دریدناوطلدن بیوک سفینه لر و (۲۷،۰۰۰) یکریمی یدی بیک طون بیوک سکز زرهل طوب چکر اوله جقدر. بودرید ناوطلردن، بیوک سفینه لردن بریسی دردست انشادر. ۲۰ دانه ده تحت البحر سفینه، براوقدرده طورپیدو که چر انشا ایدیله جکدر.

فقط مسئله یان یانه صلح ابله یاشایان ایکی ملتک آراسنه اختلافات دینه صالح راده سنه کلنجه بالطبع آرتق دایانه من ایدک. بالفان دولتلری محاربه سنک دینی بر طاقم تحریکاته سبب اولاجغنی کیم تصور ایده بیلیدی؟ طبعی یوز سنه لردنبری روسلرله صلحاً یاشامقده اولان روسیا مسلمانلری ایشو تحریکاته قارشى لا قید قالا منلر ایدی. باخصوص که کنديلرینی ترقی پرور کوسترمک ایسته یین غزته لر واسطه سیله روسلرک اک ایلری کلن ارباب معارف بيله مسلمان ملتی، مسلمان دینی علینیه تشویقات عداوتکارانه یه اوک آتیق اولدیلر.

«دینی تعصبلرک کوشه دیک یکرمنجی عصرده، خصوصیه یکریمی ملیون مسلمان تبعیه مالک روسیا مملکتنده اختلافات دینه یی بر وسیله تحریک اولهرق قوللانمه نیک زمانی کچدیکنی تخمین ایتک حقمز ایدی. مع التأسف کورپورز که کنديلرینه اک بیوک عنوانلر طاقتمش اولان برطاقم ارباب فساد زهرلی یازیلرله حسیات مظلمه یی غیقلایور، عالمی ولوله یه، هرج و مرجه دوچار ایتک ایسته یورلر. طبعی بز بوقیل محررلرک نشریاتندن بائدات هیچده قورقاز، فقط قورقدیغمز بر شی وارسه اوده بویه نشریاتک غیر منتظر بر طاقم وقوعات مؤسفه یه میدان ویره بیلیمه سی احتمالدر. بونک ایچون عدالته مطمئن اولدیغمز روسیه وجدان عمومیه نه! مراجعت ایدهرک نشریات معلومه ده بولنان محررلرک لایق اولدیلر جزای کنديلرندن اسیرکه مدیکنی طلب ایده رز.»

باکو مسلمان تیاترو قومپانیه سی شهر والیسنه مراجعتله نامق کمال بکک (وطن) نام پیه سنک وارداتی عثمانلی هلال احمر جمعیتنه عائد اولوق اوزره وضع صحنه تماشا ایدیله سی ایچون، اعهده ایسته دیک باکو غزته لرنده کوریلشدر.

چین:

نانکین ده نشر اسلام و معارف جمعیتی. — نانکین دن «وقت» رفیقمه یازیورلر: «بوراسلاملری عدداً پکین اسلاملرندن آزدکلدرلر. مستخدملر ومعلملرک اکثری اسلاملرندره. فقط بوراسلاملری اولدجه مترقی درلر. صوکر چین وقوعاتى اونلره بر آز حیات ویردی. بر آز بوندن مقدم محلی اسلام معارفندانی معرفتیه نانکینده اسلاملر میاننده معارف و اسلامیت نشر ایتک مقصدیله «نشر معارف و اسلام» نامنده یکی بر جمعیت تشکیل ایدتی. جمعیتک مقصدی رساله لر نشر ایتک، احساسات ملیه ومعارف عمومیه یی توسیع ایتک، تعصب جاهلانیه ایله مبارزه، فقر و مساکینه یاردم ایتک وسائرده. جمعیت هنوز ابتدای تشکیلده اولدینی حالده اسلاملره خیل فائده سی طوقوندی. بر قاچ مکتب دها آچیلدی. هونفو، شانغهای، سیچوان ودیکر چین اسلام مملکتلرنده دخی برر شعبه کشاد ایتک املنده در. «نشر اسلام و معارف» جمعیتی طرفندن نشر افکار ایتک اوزره مرخص عمومی اولهرق نورالدین افندی انتخاب ایدلشدر. نورالدین افندی شهرلری، کویلری طولاشیوروشعبه لر تشکیل ایدیور. مسلمانلر جمعیتک مقصدینی حسن تلقی ایدیورلر.»

روسیا:

آثار معارف. — اخیراً روسیه اسلاملری میاننده معارفه بیوک بر اهمک کوستریلیور. قصبه لره، کویلره وارنجه یه قدر مکتبلر آچیلیور. بوکره دخی باکو ولایتی قضالردن قوبا حوالیسنده (لقر) قصبه سی زنکینلرندن فیض اه افندی نیک معرفتیه بر مکتب بناسنک یالوق اوزره اولدینی باکو غزته لرنده کوریلشدر.

ایران:

سعدالدوله. — بالمورال ملاقاتک نتیجه سنده دولت علیه یه قارشى بالفان یانغیننک قونداغی وضع ایدلیدیکنی کی اولجه آتسه ویرلش اولان ایران دولت اسلامیه سنک امور داخلیه سنه کنديلرنجه متصور بر شکل ویرمک اوزره دخی بعض پلانلر چیزلدی. بولانلرک نه دن عبارت اولدینی کیت کیده اکلاشیلیور.